

ՊԱՏՄԱՀԱՅՐԵՆԱՍԻՐԱԿԱՆ ՆՈՐ ՀԱՅԱՑՔ XVIII ԴԱՐԻ
ՔՆԱՐԱԿԱՆ ԵՐԳԵՐՈՒՄ

Շ. Լ. ՆԱՋԱՐՅԱՆ

XVIII դ. հայոց պատմահայրենասիրական քնարական բանաստեղծությունը իբրև գրական երևույթ, իբրև ժամանակի կրոնաազգային, քաղաքական ազատասիրական բանաստեղծության քաղաղորիչ մաս չի նկատվել։ Առհասարակ դարի հայոց նոր և ընդհանուր վերանորոգության շրջանի հայրենասիրական, ազատագրական քնարերգությունն ամբողջությամբ դուրս է մնացել հայ գրականության (պաշտոնական) քաղմահատոր հրատարակություններից։ XVIII դ. ներկայացվել է միայն աշուղական բանաստեղծության շրջանակներում։ Այս պատճառով, ահա, շոշափված չեն նաև այն հիմքերը, որոնց վրա աստիճանաբար զարգանում և ապա վերելք է ապրում XIX դ. հայոց նորագույն շրջանի ազգային, քաղաքական, ազատասիրական քնարերգությունը։

Անդրադառնալով անցյալ դարերի տղաական ստեղծագործությունների նյութին, շոշափած հարցերին Մանուկ Արեղյանը նկատում է. «Քաղաքական կյանքի հին անկախության և ազատության, ժողովրդի բարեկեցության կորուստը, ժողովրդի հայրենաթափ լինելն ու ցրվելը, նախ այս և՛ որքան և՛ աստիվերտցու հետ, մեծ աղետից ցնցված ու խեղաթափ։ Բայց երկրորդ սերունդը,—շարունակում է մեծ գիտնականը,—արդեն ուշաբերում է՝ լուկ ողբը բավական չէր։ Եվ անհա, ծնվում է ցրված հայ ժողովրդին ի մի հավաքելու և փրկելու ձգտումը՝ որոշ գաղափարախոսությամբ...»¹։ XVIII դ. վերանորոգվող դասական բանաստեղծության մեջ հայ ժողովրդի փառափառ ազատության հարցի շուրջ առաջին և երկրորդ սերունդների ստեղծագործություններում դրսևորված այս հայացքները վերաբերվում են միասին՝ մի որոշակի գաղափարախոսությամբ։ Հենց քնարական, պատմաքնարական ողբերի միջոցով արտահայտվում են հայոց քաղաքական անկախության ու ազատագրության ձգտումները, գծվում ցրված հայ ժողովրդին ի մի հավաքելու և փրկելու հնարավոր ուղիները։

Հայտնի է, որ հայ ազգային-ազատագրական շարժումները, որ դարասկզբում բռնկվել էին Սյունիքում, Արցախում և այլուր, որոշակիորեն ներգործում են գրական ստեղծագործական մտքի, գրականության գաղափարական զարգացման ընթացքի վրա։ Ուստի XVIII դ. քնարական և պատմաքնարական բանաստեղծություններում ոչ միայն արտացոլվում են հայ ժողովրդի հերոսական անցյալի առանձին էջեր, այլ միաժամանակ նոր ուժով բարձրացվում հայության ինքնաճանաչման, միաբանության, հայրենադարձության, ժողովրդի քաղաքական, ազատագրական պայքարի հարցերը։ Բանաստեղծությունը մաքառողական, դիմադրական պայքարի է կոչում հայ ժողովրդին ընդդեմ օտար տիրակալների։ Գործնական պայքարի այսօրինակ ծրագրային էջեր քիչ է ունեցել XV—XVII դդ. քնարական բանաստեղծությունը։

Ի՞նչ է տեղի ունենում։ Հայ ժողովրդի քաղաքական ազատասիրության գաղափարը XVIII դ. քնարական և պատմաքնարական բանաստեղծություններում, առսկ վրոնական նյութի, կրոնական ալլաբանության փակուղուց աստիճանաբար դուրս գալով, բացորոշվում է իբրև գեղագիտական կոռ հայացք։ Այս երևույթը Պետրոս Ղափանցու կրոնական-քնարական երգերում նկատվում էր աղոտ ձևով և ապա ուժգնորեն բացահայտվում նրա աշխար-

¹ Մանուկ Արեղյան, Երկեր, հ. Գ, Երևան, 1970, էջ 71։

հիվ քնարական երգերում: Եվ ահա, Պ. Ղափանցու քնարական ժառանգությունն հետ միասին՝ Կոմիտաս Քյոմուրճյանի, Հակոբ Նալյանի, Պազասաար Իպրի, Ղազար Կահկեցու, Պետրոս Նախիջևանցու, Սահակ երեցի, Պողոս Վտսեցու, Կրիգոր Օշականցու և այլոց քնարական և պատմաքնարական երգերը արմատապես փոխում են մեր պատկերացումները դարի վերանորոգվող հոգևոր երգի, կրոնական բանաստեղծության վերաբերյալ:

XVIII դ. հայոց ազատասիրական, քնարական և պատմաքնարական, հայրենասիրական բանաստեղծությունը ամբողջության մեջ գալիս է կրկին անգամ հաստատելու գեղագիտական այն ճշմարտությունը, համաձայն որի կրոնական երգը չպետք է անջատել աշխարհիկ երգից, ինչպես հաճախ արվում էր, և որ նրանցում արտահայտված հայրենասիրական, քաղաքական, ազատասիրական տրամադրությունները, աշխարհային թե կրոնական, պատմական թե ժամանակակից նյութի, պատկերների ոլորտներում, գալիս են նույն հիմքից, հետապնդում են նույն նպատակները, լուսավորում են հայ ժողովրդի կարգած պետականությունը վերականգնելու նույն հանապաուհի... «Ո՛րն էր նորը գեղարվեստական մտածողության մեջ,— գրում է գրականագետ Ս. Սարինյանը Պետրոս Ղափանցու բանաստեղծության զննարանում հարցի շուրջ իր օգտաշատ հոդվածում,— նորը այն էր, որ ի տարբերություն միջնադարյան տաղերգուների՝ բնության, սիրո, կյանքի, աշխարհի, աստծո առեղծվածների ընդհանուր մարդկային խոհի իմաստ էր ստանում, զգացմունքի վերաբերությունը, գեղագիտական մտածողության մեջ կերպ էր առնում ազգի և հայրենիքի մոտիվը, ամբողջ խոհական աշխարհի՝ ընդհանուր փիլիսոփայական գեղումները փոխարինվում էին քաղաքական էություն, ազգի ու հայրենիքի գաղափարական դրսևորումներով»²: Այս կերպ արդեն նոր բովանդակություն է ստանում Ղափանցու, Նախիջևանցու և առասպաղ դարի աշխարհիկ թե կրոնական բանաստեղծությունը: «Կրոնական մոտիվը,— շարունակում է Ս. Սարինյանը,— այստեղ սերտորեն ձուլվում է քաղաքական, հայրենասիրական միտումների հետ: Նույնիսկ աստծո առեղծվածին հանելու (աստվածամեծության) գաղափարը ծառայեցվում է քաղաքական, հայրենասիրական, ազգային ազատագրության գաղափարին»³: Սա հիրավի գեղագիտական նոր և ճշմարիտ ընդհանրացում է:

Ուշագրավ է, որ «կրոնական» և հայրենասիրական, ազգային, քաղաքական մոտիվների ձուլումը իբրև գեղագիտական միտում, յուրովի արտահայտվում է X—XIV դդ. հայոց վերածննդի շրջանի բանաստեղծության մեջ՝ ողբերում, ներբողներում, պատմաողբերում, կաթողիկեին՝ հայոց ընդհանրական եկեղեցուն՝ էջմիածնին, Արարատին, Մասիսին, պատմական գործիչներին՝ Ներսես Մեծին, Գրիգոր Լուսավորչին, թագավորներին, իշխաններին, նշանավոր բանաստեղծներին, քրիստոնեականներին, թարգմանիչներին նվիրված տաղերում, ներբողներում: Անանիա Նարեկացու, Գրիգոր Նարեկացու, Վարդան Հայկազնի, Վահրամ Բաբունու, Գրիգոր Մազեստրոսի, Ներսես Շնորհալու, Ներսես Լամբրոնացու, Հովհաննես Իմաստասերի, Հեթում թագավորի, Վարդան Արևելցու, Հովհաննես Եղեկացու, Ստեփանոս Օրբելյանի, Հովհաննես Արքայադորր, Մխիթար Այրիվանեցու, Խաչատուր Կեչառեցու և այլոց լավագույն երգերում ավանդու է այս երևույթը: Վարդան Հայկազնի դեռևս 1105 թվականին իր ուսուցչի մահվան առթիվով աղգային հպարտությամբ ներկայացնում է հայոց հանճարներին՝ Մովսես Խոռենացու, Դավիթ Անհաղթի, Գրիգոր Նարեկացու, Գաբրիկ թագավորի քաջառիկ անհատականությունները:

Մովսէս պիտէր Խորենացի,
Քերթողահայր Կենդանի,

² Ս. Սարինյան, Պետրոս Ղափանցի (Պատմա-բանասիրական հանդես, 1969, № 3, էջ 265—266),

³ Նույն տեղում, էջ 266:

Իմաստութեամբն անշափելի

Զնորդ նա հոգևոր տուն և տեղի...

Հոգևոր կյանքի վերելքն ապահովելու, գիտության, կրթության նոր բարձունքները նվաճելու, հայոց թագավորական իշխանությունը ամրապնդելու նպատակներին էին հետամուտ V դ., X—XIV դդ. հայ պատմագիրներն ու քանաստեղծները.

Գաղիկ պիտէր Բագրատունի

Կամ տիրահայրն իմ հրաշալի,

Գրիգոր հզոր Պահլավունի,

Իւր պեղծ բանիւքն էր պանծալի,

Չափովք տաղի Հոմերոսի.

Կամ համանունն իւր սիրելի,

Փիլիսոփայն Նարեկացի,

Զայն հանճարեղն ես ուզէի,

Եւ ինձ ի յաւգն կոչէի,

Զմեր շատ աղէտս դրէին,

Ու ապագայիցն թողնէին⁴:

* * *

Արդ, Յովհաննէս լայր, սուրբ սքանչելի,

Ի ծունկս անկեալ ամենեքեան հառաչման սրտի,

Եւ աղաչմք զերանելի միջնորդ բարի,

Զփրկութիւն միշտ հայցելոյ հայոց աշխարհին,—⁵

ներբողում է հայոց թագավորին Հովհաննէս Արքայեղբայրը:

XVIII դ. հայոց նոր և ընդհանուր վերանորոգության շրջանի քնարական և պատմաքնարական բանաստեղծության մեջ, ահա, վերարծարծվում, բացորոշվում և զարգանում է հայոց նախորդ դարերի և հատկապես վերածննդի բանաստեղծության կրեատիվ գաղափարը, պատմաքնարական այս գիծը:

Պետրոս Ղափանցուց առաջ և հետո, կա՛մ նրան զուգահեռ, իրենց աշխարհիկ և կրոնական հայրենասիրական, ազատասիրական երգերով հանդես են գալիս՝ Պաղտասար Դպիրը, Սահակ Նրեցը, Կոմիտաս Քյումուրճյանը, Ղազար Զահկեցին, Պողոս Վանեցին, Կարապետ Սեբաստացին, Հակոբ Նրեցը, Սիմեոն Նրեանցին, Պետրոս Նախիջևանցին, Գրիգոր Օշականցին, Հակոբ Մահամիրյանը, Թադևոս Զուղայեցին և այլք: Նրանք իրենց համապատասխան երգերով լրացնում, հարստացնում են դարի ողբի և սթափման կրոնա-ազգային, ազատասիրական, հայրենասիրական և պատմահայրենասիրական քնարերգությունը՝ միասնաբար:

Արդ, տեսնենք, թե ի՞նչ է ներկայացնում XVIII դ. պատմահայրենասիրական քնարերգությունը, ի՞նչ նոր բան է ավելացնում այն, ընթերցողին ծանոթ 10—14-րդ և 15—17-րդ դարերի քնարական, պատմաքնարական ողբերի ներբողների, քնարական հայրենասիրական, ազատասիրական բանաստեղծության վրա:

XVIII դ. քնարական բանաստեղծության ոլորտներում իշխող քաղաքական ազատասիրական գաղափարախոսությունը անմիջական սնունդ է ստանում իր ժամանակի ազգային-ազատագրական շարժումներից, ինչպես արդեն այդ հայտնի է, և դրա հետ մեկտեղ, հայ ժողովրդի պատմական անցյալից, նրա հերոսական կյանքի դասերից՝ կուռ միասնությամբ: Այս երևույթը դարի բանաստեղծության մեջ հաճախ արտահայտում է պատմական զուգահեռների, վերհուշերի, պատկերների, համեմատությունների միջոցով: Պատմահայրենասիրությունը, սակայն, ավելի լայն հասկացություն է և դարի կրոնաազգային վերանորոգող բանաստեղծության մեջ ստանում է առավել

⁴ Բառամաս, 1874, էջ 264—265:

⁵ Ղևոնդ Մկրտչյան, Սխուան, Վենետիկ, Ս. Ղազար (ձեռ. № 2070), 1885, էջ 509:

որոշակի արտահայտություն: Հայտնի է, որ հայոց մեջ Մովսես Խորենացուց սկսած գիտական մշակված հայացք գոյություն ունեւ պատմության նկատմամբ: XVIII դ. կրոնաազգային նշանավոր գործիչները եւ՝ Մխիթար Սեբաստացին, Հակոբ Նալյանը, Պաղտասար Դպիրը և այլք, առիթ են ունեցել իրենց վերաբերմունքը հայտնեւ պատմության հարցի վերաբերյալ և նշել այն վիթխարի դերը, որ ունի պատմությունը ժամանակակից սերունդների կրթության, դաստիարակության գործում: «...Փանգի գործ պատմութեան է ծանուցանել զեղեւլ իւրն, որ փակի ընդ անցեալ ժամանակաւ,—նկատում է Պաղտասար Դպիրը,—Եւ շահաւետութիւն նորին այն է, զի զեղեւլն ի վաղ ժամանակաց կացուցանէ առաջի աչաց մեռոց, այնպէս, որպէս թէ այժմ իցէ եղեւլ, վասնորոյ ասէ ոմն իմաստասիրաց, թէ պատմութիւն է վկայ ժամանակաց, լոյս նշտութեան, կենդանութիւն յիշողութեան, վարդապետ կենաց և ծանուցիչ հնութեան: Ուրեմն եթէ ոչ պահէր պատմութիւնն ի միտս մեւ զյիշատակ եղելոցն, մոռանայք զնոսա դիւրապէս»⁶,—գրում է նա իր կողմից հրատարակության պատրաստված, սրբագրված «Գիրք պատմութեանց երկրին Տարօնոյ որ կոչի Զենոբ» աշխատության «Բան սակաւուկ առ բարեմիտ ընթերցողսդ» առաջարկում: Այսպես են ըմբռնել պատմության դերը XVIII դ. կրոնաազգային լուսավորական գործիչները և այդ ըմբռնումը դրսևււվորվում է նաև քանաստեղծության մեջ: Իբրև ընդհանուր գիծ XVIII դ. պատմական հարցերի շուրջ ստեղծվում են առավել քան քնարական բանաստեղծություններ, ներբողներ, ձոներ, փոքրածավալ զանազան երգեր և քնարական պոեմներ: Պատմական մեծ վտաւի ողբեր, այլոժետային (պատմական) պոեմներ, պատմականսագրական երկեր, որոնք գերազանցապես նկարագրական բնույթ ունեն, ստեղծվել են նախորդ դարերում: Նոր ժամանակների, օրվա հրատապ հարցերի լուծումը պահանջում էր քնարական անմիջական արձագանք, ընդհանրացված բանաստեղծական խոսք... Եւ ահա, դարի նշանավոր բանաստեղծները իրենց փոքրածավալ պատմաքնարական երգերով, ողբերով, ներբողներով, քառյակային բանաստեղծություններով ամուր կապ են ստեղծում հայ ժողովրդի պատմական անցյալի և ներկայի միջև, ընթերցողի առջև վերականգնացնում են ժողովրդի պատմության ուշագրավ էջեր, դեպքեր, դեմքեր, մաքառողական պայքարի վառ օրինակներ.

Պատմողական այսմիկ տառիս,
Ականջադրուկ թէ եղիցիս,
Ղօղեալ գործոց մերոց տոհմիս
Տեղեակ ոմանցն առ լինիցիս,—

գրում է Պաղտասար Դպիրը, բացահայտելով այն մեծ կարևորությունը, որ ունի ազգային պատմության ուսումնասիրության հարցը: Երգիչը իր ժողովրդի վրանքն ու գործը, նրա դարերի անցած ճանապարհն իմանալու, ճանաչելու պատգամ է հղում իր ժամանակակիցներին.

Քերթողահայր մեծն Մովսէս,
է՛ր սերունդամբ ի հայ ազգէս,
Յորմէ տաք մեք վարժապէս,
Ըզբերթութեան ազնիւ հանդէս⁷:

Բանաստեղծը մի քառատողի մեջ բնութագրում է հանճարեղ Խորենացու «Հայոց պատմության» ուղենշային դերը հայ ժողովրդի գրականության, պատմության, նրա դեղագիտական մտածողության ձևավորման, նրա քերթողական արվեստի զարգացման համար: Կոմիտաս Քյոմուրճյանը իր «Ողբերգական աղաւաղումք» քնարական հուզսփեցուն բանաստեղծության

⁶ Գիրք պատմութեանց երկրին Տարօնոյ, որ կոչի Զենոբ, Պոլիս, 1719, Առաջարան, էջ Դ.
⁷ Պաղտասար Դպիր, Երևան, 1958, էջ 259:

մեջ հայոց ժամանակակից կյանքի ծանր վիճակը (սթշուառութեան ազգիս)՝ ողբալու համար դարձյալ դիմում է անցյալին՝ Երեմիան, մեծ խորհնացին ձայնակցում են երգչին հայոց անհուն վիշտը ողբալու համար։

Ջարթի՛ր, Երեմիա և ողբս յօրինէ,
Արտասուօք աղբայ և զմեղ աւաղէ,
Ձի վորովի ազգն մեր ողբոց արժան է.
Վասն այն ողբամ և յորդ արտասուեմ:
Առ ընդ քեզ ողբակից զմեր խորհնացին,
Լէ՛ր լալակից նմա ողբօք դառնազին,
Աւա՛ղ, ափսո՛ս կարդա մեր հայոց ազգին.
Վասն այն ողբամ և յորդ արտասուեմ:
Քանզի եղեաք գերի մեք յօտար ազգաց,
Կոխան և անպիտան մէջ համայն ազգաց,
Չունինք դէտ և տեսուչ և կամ հոգաբարձ.
Վասն այն ողբամ և յորդ արտասուեմ⁸:

Պետականազուրկ հայ ժողովրդի քաղաքական ազատասիրական պայքարը ղեկավարող ուժերը թույլ են, իսկ օտարազգիք՝ ուժեղ, կատաղի, ցավով ողբում է Մովսես Կաթնեցին և դարձյալ օգնություն հայցում հայոց մեծերին։

Սուրբ Սահակ Պարթև, ազինս հոգտոր,
Որպէս նախասացեր եղաք աստանօր,
Ո՛չ ունելով իշխան և ո՛չ թագաւոր,
Ա՛յց արա տառապեալ ազգիս մեր հայոց:
Եկ՛ Տէր Լամբրոնացի, լէ՛ր մեզ ցաւակից,
Որպէս գուշակեցեր, եղաք ողբակից,
Եկեղեցիք, պանդոկք, իշխանք՝ գողակից,
Ա՛յց արա տառապեալ ազգիս մեր հայոց⁹:

Դարի քնարական բանաստեղծությունը խաչաձևում է հինը նորի հետ։ Սահակ Երեցը ընդդեմ տաճկաց վրեժխնդրության է կոչում Դավիթ Բեկի քաջարի զինվոր Տեր-Ավետիսին։

«Ողբ ասելի ապաշխարող մեղաւորաց, ի վերայ ողբոց սրբոյն Երեմիայի» քնարական պոեմում Պետրոս Նախիջևանցին դիմառնական ընդունված ձևի և պարզ շարժի մեջ, իբրև ականատես, դառնազին ողբում է այն աղետալի իրավիճակը, որ ստեղծել էր պարսիկ Թամրազ խանը իր հայրենի Նախիջևան քաղաքի և նրա բնակչության համար։

Բանաստեղծը խորհ մի նոր ողբերգակ, ինչպես Երեմիան, ինչպես խորհնացին և Նարեկացին ողբում է հայրենի քաղաքի անպաշտպան, ծանր իրավիճակը։

Ընդ խաւարին իշխանութեան,
Նստին ի մէջ ծառայութեան,
Ազատարար որդւոց մարդկան,
Դարձո՛ւ ի վեանս ազատութեան¹⁰:

XVIII դ. բանաստեղծության մեջ Գրիգոր Օշականցին է, որ Արարատյան դաշտը, մեծ ու փոքր Մասիսները հերթապաշտում է իբրև ազգային վշտի արտահայտության խորհրդանիշներ։ Գրիգոր Օշականցին իր հայրենասիրական քնարական բանաստեղծությունները, տեսիլները, եկեղեցական չափածո արձանագրությունները գրել է Մեսրոպ Մաշտոցի ներշնչանքով։ Գր. Օշա-

⁸ Մ. Մաշտոցի անվան Մատենադարան, ձեռ. № 1063, Թերթ 225ա։

⁹ Դոկտ. հ. Համազասպ Ոսկեան, Չորս հայ տաղասացներ..., Վիեննա, 1966, էջ. 158—159։

¹⁰ Լեւոնեանյան, ձեռ. № 6744, Թերթ 40ա—41ա։

Լիանցին Մեսրոպ Մաշտոցին է նվիրում իր ստեղծագործության անդրանիկ ժողովածուն. «Եւ դայսոսիկ երկս իմոց վաստակոց, իբրև զպտուղ նախախայծ նմա ընծայել... Եւ արդ, ուրեմն, քեզ տեառնագրեալ դայսոսիկ, ո՛վ սուրբդ աստուծոյ, ի քոյ, անոան աշխատեցայդ: Լե՛ր ինձ ուղեկից յայսմ ճանապարհորդութեան, խօսեաց յականջս ծառայից քո զօգտակարն ի զպիտանին...»¹¹: Հասկանալի է, թե որքան խորն է Գրիգոր Օշակացոյ վրա մաշտոցյան հանճարի ներգործութիւնը: Նա իրեն վերջում է «Որդեգիր Սեսուպայ վարդապետին» և իր կոչմանը արժանի հայրենասիրական գեղեցիկ երգեր հորինում.

Համայն ազանց դու գովելի,
քաղաքդ Անի պանծացեալ,
Ասպանշական թագաւորաց
եւ զօրաց՝ արդ մենացեալ.
Իբրեւ ալրի լքեալ թողեալ,
կոխան ոտից ընկեցեալ.
Բնակիչք քո յաշխար օտար հեռացան,
Աւա՛ղ, տարագի՛ր, տարագի՛ր ո՛հ¹²:

Քնարական երգը, ազգային, պատմական պաճուճանք, տեղագրական բացորոշ գույն ու երանգ է ստանում: Գործողությունների վայր են դառնում մեծ ու փոքր Մասիաները, հայրենի բնաշխարհի հնագույն քաղաքներն ու ավանները՝ իրենց հրաշակերտ հուշարձաններով, եկեղեցիներով, տաճարներով, բերդերով և աշտարակներով:

«Շիրակայ դաշտի դիցունհու՛» Անի քաղաքին նվիրված բանաստեղծություններով հարուստ է մեր գրականությունը (դրանք հատուկ ուսումնասիրության են սպասում): Ահա դրանցից նաև մեկը՝ Հակոբ Դպրին վերագրվող «Տաղ ի վերայ Անի քաղաքին» բանաստեղծությունը: Երգիչը սգով, ողբով իր ժողովրդի անհուն զայրույթն է հայտնում Անիի անօրեն զավթիչների նկատմամբ.

Պարտէզ ծաղկախիտ Շիրակայ դաշտին,
Բուրմունք անուշունք ի քեզ բուրէին,
Ահա, գոսացոյց խորշակ պարսկային,
Ե՛կ, անապատ հիւսիսոյ, ցողեա՛ յիմ այգին:

Որ երբեմն էիր գահ թագաւորաց,
Ի քեզ հանգչէին որդիք քո հրկանց,
Այժմ ընդէ՛ր եղեր որջ աւազակաց,
Ի քեզ կաքաւեն դստերք համբարուաց¹³:

Անօրենների կողմից Մարդավան գյուղաքաղաքի Ս. Աստվածածնի Զարխափան վանքի հրկիզման, ավերման և ապա ժողովրդի միահամուռ ուժերով նրա վերաշինության արտաբերված պատմությունն է ներկայացնում Ստեփանոս Աղանեցին իր պատմաքննարական մի երգում¹⁴:

Նորոգութիւն գիր քան զնոյեան տապանին,
Միշտ փրկողի զանթիւ բազմաց ըզհոգին,
Եղև տրօվք ասքանաղեան մեր տոհմիս,
Միահամուռ ժողովրդեան վիճակիս.
Արդ, ո՛վ տաճար պատմական,
Զմեզ արա դու արժան,
Ի տես դեղորդ աննման, աննման...¹⁵:

¹¹ Մատենադարան, ձեռ. № 6682, էջ 2ա:

¹² Նույն տեղում, ձեռ. № 6682, էջ 11ա:

¹³ Դոկտ. Համազասպ Ոսկեան, Զորս հայ տաղասացներ..., էջ 110:

¹⁴ Բ. Վ. Կյուրչեան, Ցուցակ ձեռագրաց Անկիւրիոյ Կարմիր վանից... Անթիլիաս-Լիբանան, 1957, էջ 1073 (ձեռ. № 233, Թերթ 74ա):

¹⁵ Մատենադարան, ձեռ. № 5066, Թերթ 140ր, 141ա:

Վայոց ձորը (Եղեգնաձորը) երգում է Պետրոս Ղափանցին, Հայաստան աշխարհում է, հին, վաղեմի զրույց վա այդ մասին: Իսկ այժմ, այն բռնակալների ձեռքին է, գերի, անտերուհի, անարգավանդ¹⁶:

XVIII դ. պատմահայրենասիրական, քնարական բանաստեղծությունների մեջ մեծ թիվ են կազմում էջմիածնին նվիրված երգերը: Այդպիսի բանաստեղծությունների հեղինակներ են հոգևոր, աշխարհիկ, ազգային-ազատագրական շարժման ու մշակութային կյանքի գրեթե բոլոր նշանավոր գործիչ-բանաստեղծները՝ Պաղտատար Դպիր, Հակոբ Նալյան, Պետրոս Ղափանցի, Սիմեոն Երևանցի, Ղազար Զահկեցի, Պետրոս Նախիջևանցի, Պողոս Կաղզվանցի, Գրիգոր Կամպանյան, Հովհաննես Կարնեցի, Մովսես Էրզրումեցի, Գևորգ Խուբով, Սերովբե Պատկանյան և ուրիշներ: Էջմիածնին նվիրված բանաստեղծությունները, նախորդ դարերի համանուն երգերի համեմատությամբ, ունեն ավելի ընդգծված կրոնաազգային, կրոնաքաղաքական, ազատասիրական բնավորություն:

XVIII դ. հայրենասիրական և պատմահայրենասիրական, հայրենիքի և բնության, քնարական բանաստեղծությունները մաքառողական պայքարի միանշանակ ծրագրեր ունեն: Դրանք լցված են ազգի և եկեղեցու գոյատևման, ինքնաճանաչման, հայոց կորցրած պետականությունը հտ ստանալու տեների հույսերով: Կանականության ու զգացմունքի նույն հնչյունն է իշխում և Պաղտատար Դպիր 1708 թ. գրած «Ի ննջմանէդ» հանրահայտ երգում. և Ղազար Զահկեցու 1737 թ. տպագրած «Երգարանում», և Պ. Ղափանցու 1752—1772 թթ. հյուսած՝ ազգին և հայրենիքին նվիրված բանաստեղծություններում, և՛ Թադեոս Սազիկյանցի «Ողբ Հայաստանեաց» քնարական պոեմում, և՛ Հակոբ Շահամիրյանի «Նոր տետրակ, որ կոչի Յորդորակ»-ում...¹⁷:

Մի քանի խոսք վերջիններիս մասին, որոնք բարեբախտաբար տեղ են դնել «Հայ նոր գրականություն» բազմահատորյակում (ուր մոռացված են նրանց արժանավոր նախորդները): Հակոբ Շահամիրյանի «Յորդորակում» ևս զուգահեռաբար մարմնավորվում, կերպարանք են առնում հայոց անցյալը և ներկան, հայ ժողովրդի պատմական և ժամանակակից կյանքը... Այս եղանակով Հակոբ Շահամիրյանը խոսում է լնթեցողի հետ հայ ժողովրդի քաղաքական ազատության հարցի շուրջ, պարզելով նրա առջև երեք խնդիր. ի՞նչ էր ներկայացնում հայ ժողովրդը անցյալում, ի՞նչ է ներկայացնում իրենից հայ ժողովրդը այժմ և՛ ինչպե՞ս պիտի լինի նա ապագայում: Այլ կերպ ասած, բանաստեղծ-հրապարակախոսը պատմական փաստական հիմքի վրա ներկայացնում է հայ ժողովրդի անցյալը, ներկան և առաջադրում է պայքարի միջոցներ, ծրագրեր՝ նրա գալիքի համար: Շահամիրյանի վերոհիշյալ երկը XVIII դ. մեզ ծանոթ հայ ազատասիրական, կրոնաքաղաքական, գաղափարական բանաստեղծության տրամաբանական զարգացումն է, նրա բարձրակետը: Քրիստոնեական բարոյագիտական հայեցողությունը հավատք և հայրենիք միասնական հայացքը, որ իշխում է XVIII դ. քնարական ազատասիրական բանաստեղծության մեջ, ինչպես նկատեցինք վերևում, Շահամիրյանի մոտ ևս ունի իր որոշակի արտահայտությունը: «Մաղթանք առ ամենասուրբ երրորդություն», «Շնորհակալություն եկեղեցականաց» և այլ ոտանավորների մեջ... Թեև բանաստեղծը հայոց ապագա հասարակության մեջ եկեղեցին անջատում է պետությունից, բայց կրոնական նույն հայացքը, նույն գաղափարն է պաշտպանում, ինչ որ բնորոշ է նախորդ դարի գրեթե բոլոր կրոնալուսավորական բանաստեղծներին: Հ. Շահամիրյանը նույնպես, ինչպես մեզ ծանոթ հոգևոր և աշխարհիկ երգերի հեղինակները, օգնություն է հայցում աստծուց, աղերսում ամենասուրբ երրորդությանը՝ ղորավիզ Վինկու անտերուհի, անօգնական ու տկար հայ ժողովրդին: Շահամիրյանի մոտ ևս

¹⁶ Տե՛ս Պետրոս Ղափանցի, Երևան, 1969, էջ 347:

¹⁷ Նոր տետրակ, որ կոչի Յորդորակ, Մադրաս, 1772, էջ 20—21:

ուժեղ է մեղքի և զղջման զգացողությունը: 2. Շահամիրյանը նույնպես խոսում է աստծու հետ՝ իր և իր ժողովրդի, ախպես կոչված «մեղքերի» մասին: Նա ևս ժողովրդի ճակատագրի համար ապավինում է ամենակարող երկնային թագավորին, հիշում է Երեմիային, նրա ողբը, դիմում է Գրիգոր Լուսավորչին, Տրդատ թագավորին, առավել ուժգին հավատով լցված ոգեշնչում է հայ ժողովրդին՝ նախնիների հերոսական օրինակով և միաբանության, ուխտի ու պայքարի կոչում հայորդիներին:

Ուստի, զարթի՛ր, զարթիր և արի՛, ո՛վ սուրբ Երեմիայ՝
ողբերգակ Իսրայելի....

Զի մերս գերութիւն, յորում այժմ կամօ անմխիթար եղև, քան
զձերն յոյժ աւելի...

Զարթի՛ր, զարթիր, ո՛վ սուրբ Գրիգորիոս, հանգերձ սուրբ
և սիրելի Տրդատաւդ...

Հակոբ Շահամիրյանը անդրադառնում է հայ ժողովրդի շուրջ չորսդարյա պետականագուրկ, հալածական, դառը կյանքի պատմությանը և սրտի խորին կակիծով, ի լուր աշխարհի հայտնում, որ իր ժողովուրդը եղել է ստրուկ, պատակ, դերի, որ նրա վաստակը հափշտակել են օտար տիրակալները: Քշնամիները. մինչև ե՞րբ... մոռնում է հայրենասեր բանաստեղծը... «Մինչև երբ» ...այս հարցը մեղ ծանոթ է նաև Պաղտատար Դպրի, Պետրոս Նախիջևանցու, Պետրոս Ղափանցու և շատ ուրիշների երգերից...

Այս նույն հարցը վճռականորեն բարձրացնում է նաև Թ. Սադիկյանցը իր «Ողբ Հայաստանեայց» երգում: Նրա ողբում ևս բացահայտ է հնի ու նորի կապը, նա ևս, ինչպես իր նախորդները, ժամանակակից սերունդներին կոչ է անում սովորել անցյալից, հետևել մեր նախնիներին, «նիզակաւոր արքայական պատուական իշխաններին», որպեսզի փրկենք մեր գեղեցկատեսիլ աշխարհն Հայոց:

Դարձարուք և տեսէք ըզմայր ձեր սիրական,
Թէ որպէ՛ս կայ ի ձեռս գայլոց՝ անօգնական,
Ո՛ր են իշխանքս նիզակաւոր արիական,
Եւ պատուական իշխանագունքն զօրական,
Զեկեղեցիքն գմբեթաշէնք, վայելչական,
Եղեալ է խուղ գազանարնակ, խարխուլական...¹⁸,

Սակայն XVIII դ. պատմահայրենասիրական քնարերգության ամենանշանավոր դեմքը Ղազար Զահկեցին է. նրան է պատկանում պատմության զանազան հարցերի շուրջ ստեղծված երգերի ամենամեծ շարքը: Անցած դարերի բանաստեղծության պատմության մեջ (X—XVII դդ.) պատմաողբեր շատ են գրվել, սակայն ներսես Շնորհալուց, Սիմեոն Ապարանեցուց և Հովասափ Սեբաստացուց հետո, Ղազար Զահկեցին է նշանավոր աֆսոսաբեր թիւրքաբանների հետ միասին գրել է նաև պատմական, պատմահայրենասիրական թեթևաշունչ քնարական երգեր և ներբողներ՝ ռոմանտիկ գաղափարախոսությամբ: Բանաստեղծն իր «Գիրք նորարոյս, որ վոչի Երգարան» ժողովածուում, օրհներգություններից հետո՝ «զօրհնութիւնս նորս և հոգևորս» սուրբ հայրերին, մարգարեներին, առաքյալներին, ավետարանիչներին, էջմիածնին նվիրված երգերից անբաժան, ներկայացնում է պատմական նշանավոր անձանց նվիրված իր երգերի շարքը: Գրիգոր Լուսավորիչ, Մեսրոպ Մաշտոց, Ներսես Մեծ, Սահակ Պարթև, Վարդան զորավար, Ղևոնդ երեց, Ատոմ, Գևորգ զորավար, Վրթանես, Արիստակես, Որոտնեցի, Տաթևացի—

¹⁸ Թ Ե դ է ո ս Ս ա գ ի ն ե ա ն ց, Տետրակ, որ կոչի Ողբ Հայաստանեայց, Մաղրատ, 1791, էջ 11:

ահա նրա երգերի պատմական հերոսների ո՛չ լրիվ կազմը: Այս շարքով Ղ. Զահկեցին, հայոց դարավոր բանաստեղծության մեջ առաջին անգամ բարձրացնում, պաշտպանում, զարգացնում է հավատքի, գիտության և զեն-
քի՝ երեք կարևոր գործոնների միության գաղափարը՝ իբրև հայոց ազգի գո-
յապայքարի, կորցրած պետականությունը վերականգնելու հիմնական նա-
խապայման: Այս է Ղ. Զահկեցու «նորարարյա երգարանի» նոր և առաջնային
հարցը, նրա բանաստեղծությունների ազգային գաղափարական միտումը:
Մ. Մաշտոցին, Գր. Տաթևացուն նվիրված երգերով նա առաջին գծի վրա է
գնում՝ աղբի մեջ գիր ու գրականության, կրթության, գիտության արմատա-
վորման հարցը, Գրիգոր Լուսավորչին, ներսես Մեծին, Սահակ Պարթևին
նվիրված երգերով բարձրացնում է ազգային ընդհանրական եկեղեցու, թրիս-
տոնեական ուղղափառ հավատքի, բարոյական աստվածաբանության շափե-
րի վերաարմատավորման խնդիրը, իսկ Վարդանանց պատերազմի հերոսնե-
րին, հայոց քաջերին ու նահատակներին նվիրված երգերով պաշտպանում
է զինված ապստամբության, ազատագրական պայքարի խնդիրը՝ նորովի...
Սա հիմնովի բանաստեղծական ծրագրային նոր առաջադրանք է, հայ ժողո-
վրդի պատմության շրջաններից հանված մի խիզախ եզրահանգում, որ անում
է Ղազար Զահկեցին՝ Պետրոս Ղափանցուց առաջ.

Սոքա մեր հարք և վարդապետք,
Տածիչ հոգուց քաջ հայրապետք,
Հայաստանեայց իշխանք և պետք,
Հալածեցին զսանդարամետք...¹⁹:

Ղ. Զահկեցին ոգեշնչում է ժողովրդին ընդդիմանալ չարին, խորտակել
բռնակալների լուծը, քաջաբար, խորն ատելությամբ, անհուն վրեժով գոտե-
մարտել մահվան հետ, չլնկրկել թշնամու առաջ, մեռնել պատվով, մեռնել
հայրենիքի համար.

Այսօր ողբս առեալ, պարտ է մեզ յօրինել,
Եւ զԵրեմեաս ընդ մեզ առեալ ածել,
Վըշտալի անձամբ դառնագոյն արտասուել,
Ի խորոց սրտէ հեծեծմամբ հառաչել...²⁰:

«Երգ սրբոց Ղևոնդեաց», «Երգ սրբոց Վարդանանց» բանաստեղծություն-
ներում նա դարերի խորքից ընթերցողին է ներկայացնում հայ զորավարների
կենդանի պատկերները, մեկնաբանում նրանց հերոսական և մարդասիրա-
կան գծերը, փառաբանում հայ ժողովրդի ուխտն ու միությունը:

Ղ. Զահկեցին դիմելով անցյալին, պատմությանը՝ շնչավորում է ներկան,
անցյալի հերոսական օրինակների միջոցով առաջադրում է օրվա խնդիրները:

Ղ. Զահկեցին հակադրում է անցյալը ներկային և ինչպես Պետրոս Ղա-
փանցին, Պետրոս Նախիջևանցին, Պողոս Վանեցին և այլք, քնարական եր-
գերի միջոցով կոչ է անում՝ կանգնել թշնամու դեմ-հանդիման և փրկել Հա-
յաստան աշխարհը՝ պարսկաթուրքական բռնակալական լծից: Բանաստեղծը
ճշմարիտ պատմագետի հավատարմությամբ կենդանացնում է հեռավոր անց-
յալը, յուրովի կերպարանավորում է ազգի և հավատքի պաշտպանության
համար արդար պատերազմի մեջ մտած ժողովրդի զավակներին՝ Վարդան
զորավարին, Ղևոնդ Երեցին և նրանց բոլոր զինակիցներին.

Հրաւիրմամբ մեծի Յօսէփ վեհափառին,
Եւ Ընըշտունեաց սուրբ Սահակայ պէտին,
Այլ և Ղևոնդեայ մաքուր քահանային,
Քաջին Վարդանայ յաղթող զօրավարին,

¹⁹ Ղ ա գ ա ռ Զ ա հ կ ե ջ ի , Գիրք նորարարյա..., էջ 163:

²⁰ Նույն տեղում, էջ 206:

Միաբանութեամբ ուխտս եղեալ և դաշին,
Մըտնել ի մարտ վասըն սիրոյ խաչին²¹:

Ղազար Զահկեցու Վարդան Մամիկոնյանը մեծ զորավար է ե շարքային խիզախ զինվոր, փր մարտիկներ խնամատար հայրը, հոգեկից ընկերը ե առաջնորդը, պազմակերպիչը: Նա հայ զինվորներին իր շուրջն է համախմբում: Սակեղ, անհավատար մարտերից պատվով դուրս դալու համար Ղազար Զահկեցու Վարդանը հայրաբար հուսադրում է թուլերին, տկարներին, բոբոքում նրանց մեջ ազնիվ, արդար, պաշտպանողական, սրբազան պատերազմի տենչը, դեպի թշնամին նրանց համակում ատելությամբ, բացատրում նրանց մահու և կենաց պայքարի խորհուրդը, դիմադրության անհրաժեշտությունը՝ իբրև վերջին, անխուսափելի միջոցի:

Մերկացեալ ըզսուրն ի Հայաստան երկրի,
Ի շար պատենից յանօրէն Յասկերտի,
Կոտորեալ սպառնաց զազգս մեր Պարթևի,
Եւ զերկրպագուս ամենաոռուր խաչի:
Զաշխարհս Հայոց եւ զմեծ տունս Արամեան,
Եւ խաւարեցոյց զեկեղեցիսն համայն²²:

Բանաստեղծական պարզ տողերի մեջ, բայց խորապես ազդու եղանակով Ղազար Զահկեցին կերպարանավորում է Վարդանանց պատերազմի, Ավարայրի ճակատամարտի հերոսական պատմությունը: Հայոց զորագնդերի, զորքի հավաքագրումը, մարտի նախապատրաստությունը, թշնամու անհավասար ուժերի ահեղ գոտեմարտը՝ պատերազմը երկու բանակների միջև և հայոց զորքի ծանր պարտությունը, նրա մեծ զորավարի՝ Կարմիր Վարդանի հերոսական վախճանը մարտի դաշտում:

Եկին պարսիկքն սևագունդը,
Երամբ փրդօք գազանագունդը,
Խառնեալք ընդ միմեանս երկքումբը,
Եւ սուսերաց փայլատակմունք:

Ամպ սևագոյն անդ որոտաց,
Ճայթմունք նետից և նիզակաց,
Դառն և դաժան այլ սուսերաց,
Որպէս կարկուտ առ մեզ տեղեաց:

«Մտնել ի մահ վասն հաւատոյ և հայրենեաց»: Այս էր հերոս անհատակների՝ Վարդանի, Ղեոնդ Երեցի, Խորենի, Տաճատի, Արսենի, Հմայակի, Արտակի, Վահանի և այլ քաջերի վերջին խոսքը:

Հասին փ յափ Տղմուտ գետին,
Եւ անդ ըզվրան իւրեանց հարին,
Անդ հաղորդեալ մարմնոյ փրկչին,
Եւ սուրբ արեան կենարարին²³:

Հենց այստեղ Տղմուտ գետի ափին է տեղի ունենում ամենասարսափեցիկ: Հայ դուրազունները մենամարտում են փղերով զինված «գազանադնդերի» դեմ:

Մեծըն Վարդան անդ կատարեալ,
Զանանց պըսակն իսկ ընկալեալ,
Խորէն, Տաճատ, Արսէն ընտրեալ,

²¹ Նույն տեղում, էջ 206:

²² Նույն տեղում, էջ 206—207:

²³ Նույն տեղում, էջ 209:

Եւ Համայակ, Արտակ գովեալ:
Վահան վկայն ընդ Գարեգին,
Եռասան և վեց թիւ հազարիս,
Եղեն վկայք տէառն Յիսուսին,
Դաւանելով զԱստուած Որդին²⁴:

Ղազար Զահկեցու պատմահայրենասիրությունը գեղագիտական կուռ մտահայացք է, պարզ ու որոշակի, առանց այլաբանության, առանց տառապանքների: Դա օրվա, դարի, ժամանակի պայքարի ծրագիր է, քաղաքական առաջադրանք, որ այնքան կուռ նկարագիր է ստացել նրա «Գիրք նորարոյս... երդարան»-ը փակող «Ողբ ի վերայ Հայաստան աշխարհի» բանաստեղծության մեջ: Այստեղ բանաստեղծը նորից ու նորից անդրադառնալով հայոց պատմության տխուր էջերին, հրապարակախոսական մեծ շնչով բարձրացնում է հայ ազգի պետականության փառքը, ներբողում մեծերին՝ սկսած Արշակունիներից և հույս հայտնում, որ կգան նոր Արշակունիներ, նոր դորավարներ ու քաջ իշխաններ, նորից կծնվի «Աղեղնաւոր Հայկը... գեղեցկատեսիլ Տիրանը», «Տիեզերաստան Արշակը», «Արիւնիւն Վազարշակը», «Քաջն Վարդանն» ու նրա մյուս զինակիցները և կփրկեն հայոց ողջ աշխարհը՝ «Համայն զաշխարհն Հայաստան»:

Վանիչ պարսիցըն Խօսրով,
Եւ Տըրդատ հրզօր մեծ արքայն,
Որ զթշնամիս պատառէր,
Որպէս առիւծ և գազան:

Յաղթօղ ազգն Արշակունեաց,
Եւ պարթևեանքն, որք զօրացան,
Վայ և եղուկ մեզ եղեն,
Որ ի մէնջ նոքա սպառեցան:

Ո՛ր են փառազարդ իշխանքն,
Զօրեղ և հրզօր Անգեղտան,
Քաջամարտիկըն Մուշեղ,
Սպառազէն և գայլըն Վահան,

Որ պատերազմին վասն մեր,
Ազատեն զդերեալքս սմբնայն,
Փրկելով զազգս և զազինս,
Եւ համայն զաշխարհ Հայաստան²⁵:

Ահա ողբի և սթափման բանաստեղծության բարձրագույն կետը՝ XVIII դ. առաջին կեսի հայոց նոր և ընդհանուր վերանորոգվող բանաստեղծության պատմության մեջ: Հիրավի տա ողբ չէ, այլ խորն սթափման կոչ՝ ազնկով պայքարի, նոր մարտահրավեր՝ արդար պատերազմի...:

Ղազար Զահկեցին քաղմիցս հիշում է հայոց անցյալի նշանավոր թագավորների անունները, փառաբանում նրանց գործը, մեծությունը՝ նպատակ ունենալով ժողովրդի մեջ բորբոքելու ազգային նոր պետականության հասնելու հույսը, թեժացնելու բռնակալական լծի դեմ նրա մաքառողական պայքարը, ատելություն կրակը:

Մեծ թագաւորդ Արշակունեաց,
Պետ և իշխան Հայոց Մեծաց,
Յաղթօղ արքայդ ի մէջ քաջաց.
Ո՛վ սուրբ Տրդատ, արքայդ հրզօր,
օգնեա՛ մեզ այսօր²⁶:

²⁴ Նույն տեղում, էջ 209—210:

²⁵ Նույն տեղում, էջ 239—240:

²⁶ Նույն տեղում, էջ 196:

Բանաստեղծը հորդորում է կռվել, մարտնչել սովորել մեր նախնիներին, զինվել համբերությամբ, զենքով վանել «թշնամին մեր», զենքով պաշտպանել զազգս և զազինս մեր: Մարտաշունչ այս ոգին ու տրամադրությունը Ղազար Զահկեցին արտահայտում է նաև կրոնական որոշ երգերում:

Ուշագրավ է Ղազար Զահկեցու «Երգ սրբոյն Մեսրոպայ վարդապետին» բանաստեղծությունը, որն ամենաընդարձակն է նրա պատմաքննարական երգերի շարքում: Գրեթե գյուտը ստեղծվել է հայ եկեղեցու և հայ պետական իշխանության համատեղ ջանքերով, Մեսրոպ Մաշտոցի հանձնարով: Պատմական այս ճշմարտության ֆոնի վրա իրական փաստերի տրամաբանական հյուսվածքի մեջ, Ղազար Զահկեցին մարմնավորում է Մեսրոպ Մաշտոցի կյանքի սեղմ պատմությունը, մեկ առ մեկ նշում նրա հանձարը բնութագրող գծերը: Երգիչը ներկայացնում է Մեսրոպ Մաշտոցին լիբրե հայոց հոգևոր ընդհանրական կյանքի, վերածննդի դրոշակակիրը, «զարդ Հայաստանեայց», «պարիսպ հաւատոյ», ազգի «առաջնորդ», սերունդների «ղաստիարակ», առաջին ուսուցիչ և մանկավարժ, «աստուածագիր տառս ստեղծող», «սին եկեղեցւոյ», «հանճարների մարմնացում», Մովսես Խորենացու, Դավիթ Աննաղթի, Նիդիշի, Ղազար Փարպեցու, Մամբրեի, Հովսեփի, Կոռյունի ուսուցիչ, որոնց առաջնորդել է «ՅԱթենացոց աշխարհն» և նրանց լույս ու գիտություն տարածել հայոց երկրի վրա:

Սուրբն Մեսրոպ ըստ Մովսէսի,
Մեծին Դաւթի և Նիդիշի,
Սուրբ Ղազարու և Մամբրէի,
Յօսէփիոսի և Կորիւնի,
ՅԱթենացոց աշխարհն հասեալք,
Զիմաստութեան ծաղիկս առեալք,
Իբրև մեղու թևօք բարձեալք,
Բերեալ զաշխարհս լուսաւորեալք²⁷:

Անշուշտ սա Մեսրոպ Մաշտոցին նվիրված առաջին երգը չէ. ձեռագիր և տպագիր գրքերի հիշատակարաններում և առ էջերում բազում երգեր կան նրան ձոնված: Դեռևս XIX դ. Կարապետ Սամեցին գրել է Մաշտոցի մասին պատմաքննարական մի խոշոր պոեմ: Ղազար Զահկեցին, սակայն, հայոց գրի ու գրականության մեծ երախտավորին գնահատում է հատուկ նկատառումով. նա մեկնաբանում է գրերի գյուտի ամենափրկիչ դերը հայ ժողովրդի գոյատևության հարցում և ձգտում է ցույց տալ, թե որքան ավելի մեծ է նրա ադ դերն ու նշանակությունը, հայոց կյանքի տևական նահանջին հաջորդող՝ նոր և ընդհանուր վերանորոգության շարժման մեջ: Մեսրոպ Մաշտոցի գյուտի, հայոց ազգային գրի, տառի կենարար ռոլին է բարձրացնում Ղազար Զահկեցին, կենարար լույսը, որի ցուրեքը դարերի խորքից լուսավորում են մութ ու խավար կյանքի բոլոր անկյունները:

Կերպարան տառից,
Ազդեալ յանեղէն,
Մեսրոպայ մեծի՝
Զեռամբ լուսեղէն²⁸:

Կարծես թե Ղազար Զահկեցուն է ձայնակցում Միքայել Զամչյանը՝ դարավերջում: XVIII դ. բարձրանում է գրերի գյուտի գնահատության մի նոր ալիք: Մեսրոպ Մաշտոցի անունը, իբրև առաջին ուսուցիչ և մանկավարժի, դառնում է վերանորոգվող կրթական շարժման խորհրդանիշ. հայ պատանիներին, երիտասարդներին դեպի դպրոց, գիրք, գիտություն առաջնորդող

²⁷ Նույն տեղում, էջ 169:

²⁸ Մ. Զամչյան, Քերականութիւն Հայկազեան լեզուի, Մոսկվա, 1859, էջ 4:

մեզական ուժ: Մխիթար Սեբաստացին, Միքայել Չամչյանը և ուրիշները իրենց դասագրքերում, այբբենարաններում բացատրում են Մեսրոպ Մաշտոցի և նրա դոճակիցների հեղափոխիչ դերը:

Մեծն Մեսրոպ ըղպատանիս ուշիմ կրթէր,
Քերթողաբար ըղհայ լեզուն ի լոյս ածէր,
Սուրբն Իսահակ Քերթողահայր անդէն նստէր,
Ջուսեաւմն յԱթէն, փսկ առաքել խորհրդակցէր²⁹:

Այսպես ուրեմն, XVIII դ. բանաստեղծության մեջ պատմականության գիծը դադիս է V դարից: Ընթերցողը վերահասու է դառնում այն դեպքերին, որոնք վճռական դեր են կատարում հայության կրոնաազգային դոյատեության, սաքառողական պայքարի, վերածննդի, վերանորոգության շարժման մեջ: Այդ շրջանակներում վեր են խոյանում նաև հայ ժողովրդի անցյալի և նոր ժամանակների նշանավոր գործիչների, հանճարների դիմապատկերները:

XVIII դ. քնարական բանաստեղծության պատմականության գիծը չի սահմանափակվում ազգային շրջանակների մեջ: Դա ուսումնասիրության առանձին հարց է: XVIII դ. հայոց քնարերգությունը զարգացնում է նաև հոսանք-հոսանքական գրականության ազգեցողության շրջանակները: Արիստոտելի, Հոմերոսի, Պլատոնի, Պյութագորասի, Պիտագորասի և այլոց պատմագիտական, դեղագիտական հայացքները խորը հետք են թողել Պաղտատար Դպրի, Հակոբ Նալյանի, Պետրոս Նախիջևանցու և այլոց աշխարհացողության վրա:

XVIII դ. քնարերգության հայրենասիրական, պատմահայրենասիրության գիծը, ինչպես հայտնի է, XIX դ. տեղեկից ի վեր զարգանում, կատարելագործվում է: Արսեն Բագրատունու, Մեսրոպ Թադևադյանի, Խաչատուր Աբովյանի, Գաբրիել Պատկանյանի, Միքայել Նալբանդյանի, Մկրտիչ Պեղիկյանի, Ռաֆայել Պատկանյանի և այլոց պատմական, պատմահայրենասիրական և քնարական բազմատեսակ երգերով և պոեմներով նոր նկարագիր է ստանում հայոց ազգային-ազատագրական, քաղաքական, հայրենասիրական բանաստեղծությունը: Այս բանաստեղծությունը, որ ըստ արժանվույն ուսումնասիրվել ու գնահատվել է հայոց նորագույն շրջանի գրականությանը նվիրված բազմաթիվ աշխատություններում, իր առաջին ծիլերը տվել է XVIII դ.:

НОВЫЙ ВЗГЛЯД НА ИСТОРИКО-ПАТРИОТИЧЕСКУЮ ПОЭЗИЮ XVIII в.

Ш. Л. НАЗАРЯН

Резюме

Армянская лирическая историко-патриотическая поэзия XVIII в. как литературное явление, как составная часть новой, патриотической духовно-национальной поэзии пока еще не изучена в должной мере.

Насущные вопросы того времени, заботы дня требовали непосредственного лирического отклика, обобщенного поэтического слова. Выдающиеся поэты XVIII в.—Багдасар Дпир, Петрос Капанци, Саак Ерец, Погос Ванецян, Григор Ошаканци и особенно Газар Джахкеци в своих историко-патриотических лирических песнях поднимали на новую ступень вопросы единства народа и церкви, дальнейшей судьбы армянского народа, его самосознания, возрождения утраченной Арменией государственности.

²⁹ Մ. Սեբաստացի, Քերթողաբար ըղհայ լեզուն..., Վենետիկ, 1930, էջ 41: